

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

JUL 27 1955

T 5334.9 / 4933.73

即有一代之詩何可廢也稍為
摘取評目而友人潘訥并彙蒐

葺世所不甚傳者百餘家同為

于余余為童時受詩法舉子

業其義誦詁其文俳偶無闕



詩道比長而為詩亦沿習尚不
以宋元祐寓目久之悟其非也請
折衷于孔子古之詩即古之樂
孔子自衛返魯而後樂正雅頌
各得其所其人皆天子諸侯卿

大夫之倫其事皆宗廟朝廷經
文緯武之業可無置議至于十
五國風其人或農漁樵牧或平
獵徒候人作官弃婦怨女妾媵
之賤淫奔之偶其事或置兔包

麋鹿狼載犬倩笑美眇贈藥眩
枿桑中濮上滌娑安排園之行悉
以施五音六律而列國聘使往
賦之志以宋元道宋元事以不
敢望雅頌於十五國者寧無一

二耶魯備六代之樂季札所觀若
鄭若陳若鄆若曹與雅頌并
奏其來已久孔子豈不知鄭音
好濫淫志衛音趨數煩志齊音敖
存焉志而悉收之聲音道與通

審音知音審音知樂審樂知以
而治道備矣宋詩有宋風元詩有
元風采風陳詩而以事學術好者
習俗升降汗隆具在目前故行宋
元詩者亦孔子錄十五國風之指也

聞之詩家云宋人多舛頗能繼
續元人多差左醇實傷局位然而
宋之蒼老元之秀俊宋之好創
造元之善模擬兩者又何可廢
也夫宋元人未嘗不學唐或

合之或倍之安知今之學唐古
不若宋元之學子唐者哉安知
今之卑宋元者必真能勝宋元
者哉合者可以式倍者可以鑒
精而擇之慎而從之如鑄金者

黑濁黃白青白之氣竭而青


氣次焉臬氏以為量聲中黃

鐘之宮則何宋元人之不必為

唐雅以進於六朝漢魏三百篇

可也

大泌山人李維楨本寧父撰



歙浦洪朝寀書



林和靖先生集序



林和靖先生宋天聖中處士也與李鄴侯
泌白舍人居易蘇學士軾並祠孤山山之
陰先生墓也梅花幾株環于墓道者也條
幹秀起苔蘚翳焉先生雅韻清標托以寫
照也歲時尸而祝之過客蕭衣冠而禮之
無乏祀也夫李白蘇顯者也祠于杭志三
公惠政也亦棠陰之于召伯也過先生以

處士位乎中以寒梅代甘棠若先生者信
不假榮于纓綬實增耀于俎豆者也尚論
其世誦其詩靈骨慧心悉露之楮墨而一
種寒氣逼人冷然齒牙之沁也淘滌于
西湖千頃波清且淪漪全不作胥濤怒也
蕭疎恬澹奪梅之神而領其趣也故于梅
有深契也評者謂其渾合無自矜意出姚
合上非虛擬也只今咏夕寒山翠重典文
惠之嘉樹鶴庭寬知先生在咸平景祐之
際矯如冥鴻不受弋也又奚以蒲輪為重
輕也第人慕父母後知少艾則慕妻子仕
則慕君先生終老弗用于世也慕君之念
仄矣獨不娶無胤垂六十二年何不近情
爾也其亦有所適以為致耶未遐想先生
若漢武之于長卿恨不同時惟折梅數枝
貯之軍持把酒花邊歌疎影橫斜一韋千

古猶旦暮遇之也先生逋翁也實才儂也
於昭于天精氣無不之也惠然肯來余當
偕潘郎詠冰鼓楫于錢塘江步邀先生之
霍肯先生能復作梅花主人不

雲杜王應翼禱恭父題于金陵

招濤閣



宋林和靖詩集目錄

第一卷

五言古詩

閔師見寫陋容

監郡太博惠酒

送牛秀才之山陽

和運使陳學士

第二卷

五言律詩

湖樓晚望

秋日西湖閒泛

上湖閒泛艤舟

西湖舟中值雪

西村晚泊

湖山小隱

二首

小隱

中峯

春夕閒詠

郊園避暑

山村冬暮

旅館寫懷

盱眙山寺

湖村晚興

小隱自題

北山晚望

小圃春日

春日感懷

園廬秋夕

山中冬日

出曹州

留題李頡林亭

翠微亭

汴岸曉行

聞葉初秀才東歸

冬日衛樞至

中峯行藥却

和梅聖俞

和史宮贊

和朱仲方

夏日寺居

埜城寺水亭

淮甸南遊

病中謝馮彭年見訪

偶書

將歸四明夜坐

和黃亢與季父見訪

和天竺慈雲大師

和酬杜從事題壁

僧院夏日

送長吉上人

懷長吉上人北遊

春日送袁成

送茂才馮彭年赴舉

送史殿省典封州

送王舍人

送昱師赴請姑蘇

送皎師歸越

送越倅楊屯田

赴闕

送思齋上人之宣城

洞霄宮

送僧機素還東嘉

送僧休復之京師

送僧之姑蘇

送聞義師

寄思齋上人

寄吳肅秀才

寄錢紫微

寄清曉閣梨

寄胡介

寄孫仲溥公

寄和昌符

聞越僧靈皎

寄曹南任懶夫

途中回寄閭丘

淮甸城居

寄輦下傳神

寄臨川司理

寄祝長官

寄茂才馮彭年

射弓次寄彭城

贈金陵明上人

贈崔少微

贈任懶夫

和縣李大博替

贈蔣公明

喜馬先輩及第

贈胡介

贈張繪秘教九題

詩將

詩家

詩匠

詩筆

詩狂

詩魔

詩牌

詩筒

詩壁

宿洞霄宮

第三卷

七言律詩

湖上隱居

湖山小隱二首

西湖泛舟

湖上晚歸

湖上初春偶作

西湖春日

池上春日

池上春日即事

小園春日

夏日池上

西巖夏日

夏日即事

隱居秋日

秋日湖西晚歸

城中書事

深居襍興六首

襍興四首

孤山後寫望

孤山寺端上人房

山閣偶書

孤山寺

西湖

平居遣興

山谷寺

峽石寺

池陽山店

寺居

采石山

易從上人山亭

園池

林間石

黃家莊

過蕪湖縣

無為軍

出泉水驛

淮甸南遊

耿濟口舟行

畱題李休山居

園廬

安福縣途中作

雪三首

春陰

秋懷

山園小梅二首

又詠小梅

梅花三首

杏花

桃花

山舍小軒 二首

新竹

榮家鶴

百舌

蝶

病中二首

送陳縱之無爲軍

送文允師遊天台

贈胡明府

贈當塗朱仲敏

舒城僧舍

贈錢唐邑長

喜皎然師見訪

寄解州李學士

寄薛學士

寄傅霖

寄岑迪

寄沁門梁進士

曹州寄任獨復

山中寄招葉秀才

嘗茶次寄越僧

寄宣城宗言姪

寄西山勤道人

寄呈張元禮

寄玉梁施道士

寄太白李山人

歷陽寄金陵衍上人

春日寄錢都使

寄題歷陽馬仲文

暮春寄懷

和西湖霽上人

和陳湜贈希社師

追和彭城太尉

集賢李建中工部

和酬周啟明

酬畫師西湖春望

寄畧秀才

西湖孤山寺後

小隱

梅花二首

聞靈皎師自信州

復賡前韻

詩招南陽秀才

謝馬程先生輩

讀王黃州詩集

讀种先生丁密諫詩

喜姪宥及第

傷白積殿丞

傷朱寺丞

弔薛公孟

第四卷

五言絕句

閔師自天台見寄

西湖與性上人話別

送謝尉

贈中師草聖

送僧之京

第五卷

七言絕句

孤山隱居書壁

水亭秋日偶書

水軒

池上作

松徑

竹林

菱塘

蓮蕩

葑田

僧有示西湖墨本者

孤山雪中寫望

春日齋中

山中寒食 二一首

易從師山亭

秋江寫望

宿姑蘇淨惠太師

院師

乘公橋作
偶書

予頃得宛陵

二首

清河茂才

初夏

秋日含山道中

晚春寄示茂才

山閣夏日

錢塘仙尉

寄上金陵馬右丞

三首

和唐異見寄

和才上人春日見寄

寄題僧院庭竹

寄蘭溪邑長史宮贊

寄梅室長

閱上人以鷺鷥二軸

寄聞義閣黎

李翰林寄松扇

和皓文二絕

和王給事

和蒙尉見寄

和酬周寺丞

和安秀才

和謝祕校西湖馬上

又和病起

答謝尉得替

答潘司理

載答

送僧遊天台

送陳日章秀才

送僧還東

送慈師北遊

復送慈公

卽席送江夏茂才

送易從師還金華

送丁秀才歸四明

送謝氏昆仲

送逐良師遊天台

送式遵師 三首

送善中師歸四明

送人遊金山

送然上人南還

送人之蒼梧

送有交師輦下

送大方師歸金陵

監郡吳殿丞

筆

墨

茶

鳧

貓兒

鳴臯 所養鶴

呦呦 所養鹿

小舟

槐木紙椎

自作壽堂

宋林和靖先生詩集

宋林逋君復甫著

明潘是仁 訥叔甫輯校

哈佛大學哈佛藥宗
圖書館珍藏印

五言古詩

閱師見寫陋容以詩奉答

願我丘壑人煩師與之寫北山終日懸風調一何
野林僧忽焉至欲揖頃方罷復有條上猿驚窺未
遑下

監郡太博惠酒及詩

木和詩五古 卷一
塵事久謝絕園廬方晏陰鏗然郢中唱伸玩清人
心况復對樽酒百慮安能侵何以比交情松桂寒
蕭森

送牛秀才之山陽省兄

之子詠陟岡別我歲時晏後夜失群鶴高天着行
鴈楚山遠近出江樹青紅間尊酒無足辭離愁滿
行盼

和運使陳學士遊靈隱寺寓懷

山壑氣相合旦暮生秋陰松門韵虛籟錚若鳴瑤
琴舉目羣狀動傾耳百慮沉按部旣優游時此振
衣襟泓澄冷泉色寫我清曠心飄颻白猿聲苔我
雅正吟經臺復丹井捫蘿常遍臨鶴蓋青霞映玉
趾蒼苔侵溫顏煦稿木真性馴幽禽所以仁惠政
及物一一深洒翰璘珣壁返駕旃檀林回睨窳堵
峯天半千萬尋

宋林和靖先生詩集卷之一 終

宋林和靖先生詩集

宋林逋君復甫著

明潘是仁 訥叔甫輯校

五言律詩

湖樓晚望

湖水混空碧憑闌凝睇勞夕寒山翠重秋淨鴈行
高遠意極千里浮生輕一毫叢林數未遍杳靄隔

漁舫

秋日西湖閒泛

水氣并山影蒼茫已作秋林深喜見寺岸靜惜移
舟疎葦先寒折殘虹帶夕收吾廬在何處歸興起
漁謳

上湖閒泛艤舟石函因過下湖小墅

平皋望不極雲樹遠依依及向扁舟泊還尋下瀨
歸青山連石埭春水入柴扉多謝提壺鳥留人到
落暉

西湖舟中值雪

浩蕩彌空濶霏霏接水濱舟移忽自却山近未全
分凍軫閒清泛溫鑪接薄薰悠然詠招隱何許嘆
離羣

西村晚泊。

弭棹危橋外霜村乍夕陰田園向野水樵採語空
林白鳥飛歸遠青山重複深那堪遲新月誰復賞
微吟

湖村晚興

滄洲白鳥飛山影落晴暉映竹犬初吠弄船人合
歸水波隨月動林翠帶烟微寺近疎鐘起蕭然還

掩扉

湖山小隱

猿鳥分清絕，林蘿擁翠微。
步穿僧徑出，肩搭道衣歸。
水墅香菰熟，烟崖早笋肥。
功名無一點，何處更忘機。

其二

園井夾蕭森，紅芳墮翠陰。
晝岩松鼠靜，春塹竹鷄閑。
深歲課非無秫，家藏獨有琴。
顏原遺事在，千古壯關心。

其三

衡門鄰晚島，環堵背寒崗。
片月通蘿徑，幽雲在石床。
客遊拋鄠杜，漁事擬滄浪。
管樂非吾尚，昂頭肯自方。

小隱自題

竹樹繞吾廬，清深趣有餘。
鶴閒臨水久，蜂懶採花疎。
酒病妨開卷，春陰入荷鋤。
嘗憐古圖畫，多半寫焦漁。

小隱

木和靖五律
三
門徑獨蕭然。山林屋舍邊。水風清晚釣。花日重春
眠。苒苒苔衣滑。磷磷石子圓。人寰諸洞府。應合署
閒仙。

北山晚望

晚來山北景圖畫。亦應非村路。飄黃葉人家。濕翠
微樵當雲外。見僧向水邊歸。一曲誰橫笛。蒹葭白
鳥飛。

中峯

中峯一徑分。盤折上幽雲。夕照前村見。秋濤隔嶺

聞長松含古翠。衰藥動微薰。自愛蘇門嘯。懷賢思
不群。

小圃春日

岸幘倚微風。柴籬春色中。草長團粉蝶。林暖墜青
蟲。載酒爲誰子。移花獨乃翁。於陵借隱事。清尚未
相同。

春夕閒詠

屐齒徧庭深。時爲擁鼻吟。微風引竹籟。斜月轉花
陰。靜賞應難極。孤懷自不禁。蒼然小池上。烟露達

青岑

春日感懷

衡宇日蕭寂高春猶掩扉春風似有舊社燕亦重
歸覽照老已具開樽人向稀頽然此心曲持底屬
芳菲

郊園避暑

柴門鮮人事氛垢頗相忘愛彼林間靜復茲池上
涼託心時散帙遲客復携觴況有陶籬趣歸禽語
夕陽

園廬秋夕

蘭杜裊裊香開扉趣自長寒烟宿墟落清月上林
塘意想殊爲適形骸固可忘援琴有餘興聊復寄
吟觴

山村冬暮

衡茅林麓下春色已微茫雪竹低寒翠風梅落晚
香樵期多獨往茶事不全忙雙鷺有時起橫飛過
野塘

山中冬日

殘雪照籬落空山無俗誼雞寒懶下樹人晏獨開
門廢圃春榮動回塘霧氣昏誰家歲酒熟輟棹憶
西村

旅館寫懷

垂成歸不得危坐對滄浪病葉驚秋色殘蟬怕夕
陽可堪疎舊計寧復更剛腸的的孤峯意深宵一
夢狂

出曹州

詩懷動歎嗟驢立帽陰斜雨灤生新蘼茅叢夾舊

槎午烟昏獨店岡路透誰家幾日江南興扁舟泊
岸沙

盱眙山寺

下傍盱眙縣山崖露寺門疎鐘過淮口一徑入雲
根竹老生虛籟池清見古源高僧拂經榻茶話到
黃昏

留題李頡林亭

無琴枕鶴經盡日臥林亭啼鳥舊相語幽人誰欲
聽半闌花籍白一徑草盤青何必對樽酒此中堪

柳和靖五律
獨醒

翠微亭

亭在江干寺清涼更翠微
秋階響松子雨壁上苔
衣絕境長難得浮生不擬歸
旅懷何計是西崦入
斜暉

苾城寺水亭

金井前朝事林僧問不知
綠苔欺破閣白鳥占閒
池清楚曾經晉荒唐直到隋
南廊一聲磬斜照獨
凝思

汴岸曉行

驢僕劔裝輕尋河早早行
孤烟開店道平野喝農
耕老木迴堤暗初陽出浪明
羈遊事無盡塵土拂
吾纓

淮甸南遊

幾許搖鞭與淮天晚景中
樹林兼雨黑草實着霜
紅膽氣誰憐俠衣裝自咲
戎寒威敢相掉獵獵酒
旗風

聞葉初秀才東歸

林和靖五律 卷二 七
高鴻多北向極日雨餘天春滿吳山樹人登汴水
船吟生千里月醉盡一囊錢 伎懷鄉邑時清復
少年

病中謝馮彭年見訪

老去已多病况當梅雨時山空門自掩晝永枕頻
移晚燕巢猶濕新篁籜未披若非求伴至誰復問
棲遲

冬日衛樞至

冷話復長吟俱非俗者心空齋留並宿幾度夢相

尋鳥亂槐枝折烟微雪氣侵如何念前去羸馬萬
山深

偶書

閒看是斯文無秦儼自焚病來兼萬事休去負深
雲直語時多忌幽懷俗不分如何麋與鹿猶此徬
人群

中峯行藥却望北山因而成咏

拂石玩林壑曠然空色秋歸雲帶層巘疎葦際滄
洲固自堪長往何爲難久留庶將濠上想聊作剡

木禾坊五律
卷二
八
中遊

將歸四明夜坐話別任君

酒酣相向坐別泪濕吟衣半夜月欲落千山人憶
歸亂塵終古在長瀑倚雲飛明日重携手前期易
得違

和梅聖俞雪中同虛白上人來訪

湖上玩佳雪相將惟道林早烟村意遠春漲岸痕
深地僻過三徑人閑試五禽歸橈有餘興寧渡北
山陰

和黃亢與季父見訪

積水凝懸館船寬或結樓一窻方寄傲二巷忽同
遊怨慕採菱曲蒼茫拾翠洲微風起蘋末歸路滿
清愁

和史官贊

門對遠岑青常時亦懶扇久貧慚嗜酒多病負窮
經鶴迹秋偏靜松陰午欲亭蜀莊何足問惟解似
沉冥

和天竺慈雲大師

林表飛來色猶憐久卜鄰
泂泂一水路夢想五天
人謝絕空園草沉冥
蒲几塵暮雲如有得
寧謝寄聲頻

和朱仲方送然社師無爲還歷陽

歸路過東關行行一錫間
破林霜後月孤寺水邊
山頂笠衝殘葉腰裝歇
暮灣香燈舊吟社清思逐
師還

和酬杜從事題壁

弭蓋入衡宇相看情獨深
蕭疎秋樹色老大故人

心佳話頻移晷清標幾拂襟
寥然長卿壁題此兼金

夏日寺居和酬葉次公

午日猛如焚清涼愛寺軒
鶴毛橫蘚陣蟻穴入莎
根社信題茶角樓衣笮酒痕中
餐不勞問筍菊淨盤罇

僧院夏日和酬未仲方

一院掩蕭森晨涼又夕陰
鶴應輪靜立蟬合伴清
吟著壁雲衣重通簾竹翠深
臥屏來看否天姥雪

千尋

送長吉上人

囊集暮雲篇行行肯廢禪
青山買未暇朱闕去隨緣
茗試幽人井香焚賈客船
淮流遲新月吟玩想忘眠

懷長吉上人北遊

青山日已遠香穢漸多塵
應愛淮流上聊逢月色新
孤禪安逆旅警句語誰人
復有傷離客中林病過春

春日送袁成進士北歸

春潮上海門歸鴈遠行分
千里倦行客片帆還送君
酒波欺碧草歌疊裏晴雲
來歲東堂桂聊酬一戰勛

送茂才馮彭年赴舉

相送不覺遠離亭寒日斜
川途分野色僮御想京華
背水當公戰凌雲屬賦家
前春得意處酣燕上林花

送史殿省典封州

馬援疏蠻邑銅標何可窮人烟時亦有海色自如
空髭髮梅分白旌旗瘴減紅惟應蒔藥罷都在酒
醪中

送王舍人罷兩浙憲赴闕

上問還旌節明廷覲冕旒清溪傾綺席蠹簡壓歸
舟遠俗今無訟閑田亦有秋公期論爵賞當拜富
民侯

送昱師赴請姑蘇

同載闔閭人衣囊覆氎巾新烟赤岸暝融雪太湖

春鐘遠移齋候香遲上定身當知舉如意寶地雨
花頻

送皎師歸越

林間久離索忽忽望西陵靜戶初聞扣歸舟又說
登野烟含樹色春浪疊沙稜幸謝雲門路同尋苦
未能

送越倅楊屯田赴闕

越中分治罷山水別來初詩景多留石船痕半載
書野程江樹遠公讌郡樓虛看塞嚴徐召清風滿

直廬

送思齋上人之宣城

林嶺藹春暉程程入翠微
泉聲落坐石花氣上行
衣詩正情懷澹禪高論語
稀蕭閑水西寺駐錫莫
忘歸

洞霄宮

大滌山相向華陽路暗通
風霜唐碣久草木漢祠
空劍石苔花碧丹池水氣
紅幽人天柱側茅屋灑
松風

送僧機素還東嘉

康樂遺踪地言歸已有期
江流富春濶山沓括蒼
危錫潤飛晴靄羅寒慮曉
漸東巖有函石應許折
松枝

送僧休復之京師

金錫指歸鴻田衣獵曉風
春江片席遠松月一房
空新句別離後舊山寃夢
中到京當袖刺館閣盡
名公

送僧之姑蘇

被請閭門寺扁舟積水遙幾程衝臘雪一飯泊村
橋岑色晴空映檀烟遠吹飄公台悉餘鎮講罷卽
相招

送聞義師謁池陽郡守

渺渺大江流汭過幾州登艫忽此別振錫未嘗
遊九子尋真界千兵見假侯松枝談妙字鈴閣想
遲留

寄思齊上人

松下中峯路懷師日日行靜鐘浮野水深寺隔春

城閣掩茶烟晚廊迴雪溜清當期相就宿詩外話
無生

寄吳肅秀才

肄業寄僧房暑天湖上涼竹風過枕簟梅雨潤巾
箱引步青山影供吟白鳥行明年重訪舊身帶桂
枝香

寄錢紫微

晞髮起初晨中丘謝病身空持白雲意遙贈紫微
人畫轂坊門遠蒼苔掖署春元和舊文體當許繼

清塵

寄清曉關梨

前時春雪晴林壑趣彌清幾憶山陰講兼忘谷口
耕樹叢歸夕鳥湖影浸寒城還肯重相訪柴門掩
杜蘅

寄胡介

憶着胡居士長看古佛書衡門惟老母一飯共寒
蔬墨迹多圖鶴山名愛畫廬幾回曾會宿風雪滿
庭除

寄孫仲簿公

低折滄洲簿無書整兩春馬從同事借妻怕罷官
貧道僻收間藥詩高笑古人仍聞長吏奏表乞瑣
廳頻

寄和昌符

家近太行居西歸壓一驢同儕多及第高論獨知
書名迹收藏遍公卿扣謁疎離愁不可寫蟬噪夕
陽初

聞越僧靈皎遊天竺山因而有寄

木禾立五律 卷二 十五
天竺秋重入招提隔翠林幾回聞桂子無復隔山
陰峯曉雲衣破溪寒石色深捫蘿諸勝槩孤病負
同尋

寄曹南任懶夫

關門却坐忘一燼隱居香午瀨懷泉瀑秋耕負曉
岡道深玄草在貧久褐衣荒料得心交者微吟爲
楚狂

途中回寄間丘秀才

極日半秋色此情聊慘悽行人古道上落日破村

西劍飲無高會驢遊困解携祗因風與月吾子有
新題

淮甸城居寄任刺史

擾擾非吾事深居斷俗情石莎無雨瘦秋竹共蟬
清劍在慵閑拂詩難憶細評察然獨楮枕淮月上
山城

寄輦下傳神法相大師

禁寺諸供奉如師藝學稀粉輕昏古本羅重拆秋
衣淨齋生鉞暈連陰長竹圍笑應支遁馬毛骨苦

無肥

寄臨川司理趙時校書

遠宦風波隔歸期歲月頻
天形孤鳥晚烟色大江
春驛路向江郭船檣留
估人高臺望不極空使鬢
華新

寄祝長官

懷想與君勞區區未劇曹
深心賴黃卷垂老愧青
袍臨事終存道爲詩轉
近騷廬江五畝宅歸去亦
蓬蒿

寄茂才馮彭年

異代甘泉賦誰當頌太微
無如摘藻妙所惜賞音
稀漸遠江關樹方單客子
衣扁舟艤何許霰雪暮
霏霏

射弓次寄彭城四君

襟掩皂貂斜猜輦嚮水涯
箭翎沉白雪貼暈破微
霞氣爲傍觀壯言因決勝
誇細釵金捍殼更憶五
侯家

贈金陵明上人

木禾立五律 卷二 十一
高社似東林修行歲月深講多刪舊抄齋早換幽
禽上國名流重諸方學者尋長因對清話山閣轉
松陰

贈崔少微

賢才負聖朝終日掩衡茅尚靜師高道甘貧絕俗
交曬碑看壁蠹蒸木拾隣梢却憶楊夫子勞勞事
解嘲

贈任懶夫

未肯求科第深坊且隱居勝遊携野客高臥看兵

書點藥醫閑馬分泉灌晚蔬漢廷無得意誰擬薦
相如

知縣李大博替

惠愛復公清三年報政成絃歌敦雅俗桃李藹春
榮縣治嘗遊刃朝趨久影纓相門如有相他日願
持衡

贈蔣公明

高亢近誰同心閑愛子慵居深避俗客睡起聽隣
鐘紙軸敲晴響茶鐺煮晚濃南齋屢招宿幽話數

諸峯

喜馬先輩及第後見訪

肄業十年初蕭然此飯蔬何期桂枝客來訪竹林
居香炷看新誥塵痕拂舊書回軒應睠睠將與嶺
雲疎

贈胡介

妻兒終儼棄舊識盡名賢高節嫌趨世常流笑學
仙金方燒易得星度笑來玄祗說尋山去相期已
數年

贈張繪祕教九題

詩將

風騷推上將千古聳威名子美嘗登拜昌齡合按
行瑠玳堂圖以王昌齡為詩夫子籠紗疑旆影擊鉢認金聲唱和
知誰敵長驅勢已成

詩家

風月騷人業相傳能幾家清心長有慮幽事更無
涯隱奧誰知到陵夷卽自嗟千篇如可得聊儼當
豪華

詩匠

詩流有匠手萬象片心通
山落分題月花搖刻句
風勞形忘底滯巧思出樊籠
唐律如刪正斯人合立功

詩筆

青樓墨淋漓珊瑚架最宜
靜援花影轉孤卓漏聲
遲題柱吾無取如椽彼一時
風騷兼草隸千古有人知

詩狂

岸幘都旁若窮搜無遁形
寫嫌僧閣窄吟怕酒船
停絕頂寒曾上閑門夜不扃
興闌猶拍髀毫末視青冥

詩魔

花露濕晴春秋燈落燼頻
只緣吟有味不覺坐勞
神寄遠情無極搜奇事轉新
此魔降不得玆重五天人

詩牌

蠹方標勝槩讀處即忘歸
靜壁懸虛白危樓釘翠

微清衙時亦有絕唱世還稀一片題誰作吾廬水

石圍

詩筒樂天早與微之唱和常以竹筒貯詩往還

唐賢存雅製詩筆仰朱諒防閑遞去權應緊詩權出薛許昌

封廻債已還詩債出賈司倉帶班猶恐俗和節不妨山酒

篋將書箴誰言季孟間

詩壁

數題留粉堵還勝在屏風坐讀棊慵下眠看酒恰

中僧房秋色冷山驛晚陽紅更有栖遲句家徒一

畝宮

宿洞霄宮

秋山不可盡秋思亦無垠碧澗流紅葉青林點白

雲涼陰一鳥下落日亂蟬分此夜芭蕉雨何人枕

上聞

林和靖詩集卷二 終

宋林和靖先生詩集

宋林逋君復甫著

明潘是仁 訥叔甫輯校

七言律詩

湖上隱居

湖水入籬山遶舍
隱居應與世相違
閑門自掩蒼苔色
過客時驚白鳥飛
賣藥比常嫌有價
灌園終亦愛無機
如何天竺林間路
猶到秋深夢翠微

湖山小隱二首

道着權名便絕交一峯春翠濕衡茆莊生已憤鴟
鳶嚇楊子休譏軀涎嘲滴滴藥泉來石竇霏霏茶
靄出松梢琴僧近借南薰譜且併閑工仔細抄

其二

閑搭綸巾擁繚囊此心隨分識興亾黑頭爲相雖
無謂白眼看人亦未妨雲噴石花生劍壁雨敲松
子落琴牀清猿幽鳥遙相叫數筆湖山又夕陽

西湖泛舟入靈隱寺。

水天相映淡洩溶隔水青山無數重白鳥背人秋

自遠蒼烟和樹晚來濃桐廬道次七里瀨彭蠡湖
間五老峯輟棹遲迴比未得上方精舍動疎鐘

湖上晚歸

臥枕船舷歸思清望中渾恐是蓬瀛橋橫水木已
秋色寺倚雲峯正晚晴翠羽濕飛如見避紅蕖香
嫋似相迎依稀漸近誅茅地鷄犬林蘿隱隱聲

湖上初春偶作

梅花開盡臘亦盡春暖便如寒食天氣色半歸湖
岸柳人家多上郭門船文禽相並映短草翠澗欲

生浮嫩煙幾處酒旗山影下細風時已弄繁絃

西湖春日

爭得才如杜牧之試來湖上輒題詩春烟寺院敲
齋鼓夕照樓臺卓酒旗濃吐襍芳薰巘嶂濕飛雙
翠破漣漪人間幸有蓑兼笠且上漁舟作釣師

池上春日

一池春水綠於苔水上花枝竹間開芳草得時依
舊長文禽無事等閒來年顏近老空多感風雅含
情若不才獨有浴沂遺想在使人終日此徘徊

池上春日卽事。

鴛鴦如綺杜蘅肥瀉鶴夷猶翠湫微但據汀洲長
並宿莫衝煙靄輒驚飛已輸謝客清吟了未忍山
翁爛醉歸釣艇自橫絲雨霽更從蒲篠媚斜暉

小園春日。

草烟橫碧露華微乘興春園懶欲歸聚散有情輸
蛺蝶淺深無色比薔薇浮名莫惜千鍾貴急景須
防百歲稀一事不堪身衣褐且偷閑眼看芳菲

夏日池上

蓮香如綺細濛濛。翡翠窺魚。裊水蒸。卷箔未生。單
簾月。凭欄初過。一襟風。橫欹片石。安琴薦。獨倚新
篁。看鶴籠。沉李凍醪。無寄與。可憐瀟灑。興誰同。

西巖夏日

蕙帳蕭閑。掩弊廬。子真巖石坐來初。爲驚野鳥巢
間乳。懶過隣僧竹裏居。新溜迸涼。侵靜語。晚雲浮
潤上。殘書何煩。疆捉白團扇。一柄青松自有餘。

夏日卽事

石枕涼生。菌閣虛已。應梅潤入圖書。不辭齒髮多
衰病。所喜林泉有隱居。粉竹亞梢垂。薄露翠荷差
影聚。遊魚北窓人在。羲皇上時。爲淵明一起子。

隱居秋日

行藥歸來卽杜門。嘯臺秋色背人羣。幽蟲傍草晚
相映。遠水着烟寒未分。高亢可能稱獨行。窮空猶
擬賴斯文。過從好事。今誰是自笑。何如楊子雲。

秋日湖西晚歸舟中書事

水痕秋落。蟹螯肥。閑過黃公酒舍歸。魚覺船行沉
草岸。犬聞人語出柴扉。蒼山半帶寒雲。重丹葉疎

分夕照微卻憶清谿謝太傅當時未解惜蓑衣

城中書事。

一門深掩得閑權純白遺風要獨全強接俗庸中
反道敢嫌貧病是欺天圍荆古寺諸尋鶴照蘚秋
廊擬疏玄從此免慙巖下者子真高興未蕭然

深居襍興六首

諸葛孔明謝安石畜經濟之才雖結廬南
陽携妓東山未嘗不以平一字內躋致生
民爲意鄙夫則不然胸腹空洞剪然無所

存置但能行樵坐釣外寄心於小律詩時
或鑿兵景物衡門情味則倒睨二君而反
有得色凡所寓興輒成短篇總曰深居雜
興詩六首蓋所以狀林麓之幽勝攄几格
之閑曠且非敢求聲於當世故援筆以顯
其事云

隱居松籟細錚然何獨微之重碧鮮已被遠峯擎
巉巖更禁初月吐娟娟門庭靜極霖苔露籬院涼
生裏菊煙中有病夫披白搭瘦行清坐詠遺篇

其二

四壁垣衣釣具腥已其衡泌號沉冥伶倫近日無
疾白奴僕當時有衛青花月病懷看酒譜雲蘿幽
信寄茶經茅君使者蕭閑甚獨理叢毛向戶庭

其三

薄夫何苦事姦姦一室琴書自解顏峯後月明秋
嘯去水邊林影晚樵還文章敢道長於古光景渾
疑剩卻閑多少烟霞好魚鳥令人惆悵謝東山

其四

冉冉秋雲抱嘯臺一丘松竹是閑媒誰聞濟北傳
兵畧枉說山東出相才樵褐短長披搯膝丹爐高
下壘懸胎三千功行無圭角可望虛皇九錫來

其五

上書可有三千牘下筆曾無一百函閒卷孤懷背
塵世獨營幽事傍雲巖僧分乳食來陰洞鶴觸茶
薪落蠹杉未似周顒少貞勝北山應免畧相銜

其六

松竹封侯尚未尊石爲公輔亦云云清華自合論

閑客玄默何妨事靜君鶴料免慚尸厚祿茶功兼
儼策元勛幽人不作山中相且擁圖書臥白雲

襍興四首

短褐蕭蕭頂幅巾擁書纔罷卽嘖呻耕樵可似居
山者飲饌長如病酒人閉戶不無慵荅客焚香除
是靜朝真前賢風槩聊希擬一刺偏多并大春

其二

散帙揮毫總不忤病懷愁緒坐相兼苔痕作意生
秋壁樹影無端上古簾一壑等閑甘汨汨五門平

昔避炎炎惟應數刻清涼夢時曲顏肱興未厭

其三

湖上山林畫不如霜天時候屬園廬梯斜晚樹收
紅柿筒直寒流得白魚石上琴尊苔野淨籬陰雞
犬竹叢疎一關兼是和雲掩敢道門無卿相車

其四

掉臂何妨入隱淪高賢應總貴全真次山有以稱
聲叟魯望兼之傳散人拂水遠天孤榜晚夾村微
雨一犁春不知圖畫誰名手狀取江湖太古民

孤山後寫望

水墨屏風狀總非作詩除是謝玄暉溪橋裊裊穿
黃落樵斧丁丁斫翠微返照未沉僧獨往長煙如
淡鳥橫飛南峯有客鋤園罷閑倚籬門忘卻歸

孤山寺端上人房寫望

底處憑闌思眇然孤山塔後閣西偏陰沉畫軸林
間寺零落棊枰葑上田秋景有時飛獨鳥夕陽無
事起寒烟遲留更愛吾廬近祇待重來看雪天

山閣偶書。

遠舍青山看未足故穿林表架危軒但將松籟延
佳客常帶嵐霏認遠村吳榜自能凌晚汰湘纍何
苦屬芳蓀餘生多病期怡養聊此棲遲一避喧

孤山寺

雲峯水樹南朝寺祇隔叢篁作並隣破殿靜披壑
白古齋房閑試酪奴春白公睡閣幽如畫張祐詩
牌妙入神乘興醉來拖木屐翠苔蒼蘚石磷磷

西湖

混元神巧本無形匠出西湖作畫屏春水淨於僧

本系立十律 卷三
眼碧晚山濃似佛頭青
藥櫃粉堵搖魚影
蘭杜煙叢閣鷺翎
往往鳴榔與橫笛
細風斜雨不堪聽

平居遣興

有甚餘閑得解嘲
高慵時把几程敲
早致晚鳥沉幽語
歷刺幽篁露病梢
草野交遊披褐見
神仙書史點朱抄
皇朝不是甘逃遁
爭向心加許與巢

山谷寺。

纔入禪林便懶還
衆峯深壑共孱顏
樓臺冷簇雲蘿外
鐘磬晴敲水石間
茶版手擎童子淨
錫杖有

倚老僧閑獨孤房
相碑文在幾認題
名拂蘇班

峽石寺。

長懷如練楚山青
禹鑿招提甲畫屏
數崦林蘿攢野色
一崖樓閣貯天形
燈驚獨鳥迴晴塢
鐘送遙帆落晚汀
不會剃頭無事者
幾人能老此禪扃

池陽山店

數家村店簇山旁
下馬危橋已夕陽
驚鳥忽衝谿靄破
暗花閑墮塹風香
時間盤泊心猶戀
日後尋思興必狂
可惜迴頭一聲笛
酒旗斜曳出疎篁

寺居。

浩然東杖立秋鐘院舍門門細逕通栢子有茅生
塔地鶴毛無響墮廊風閉棲已合稱高士清論除
非對遠公不厭浮塵擬何了片心難舍此緣中

采石山。

危閣閑登日漸曛整屏晴雨枕江濱秋稜瘦出無
多寺古翠濃連一半雲坐臥不拋輪釣叟往來長
見屬鷗羣翻然卻恠宣城守是甚移將李白墳

易從上人山亭

湖水江灣隔數峯籬門和竹夾西東閑來此地行
無厭又共吾廬看不同靈隱路歸秋色裏招賢菴
在鳥行中屏風若欲相攙見合把巉巖與畫工

園池。

一逕衡門數畝池平湖分漲草含滋微風幾入扁
舟意新霽難忘獨蘊期島上鶴毛遺野迹岸旁花
影動春枝東嘉層有名今在獨媿憑闌負碧漪

林間石。

入夜跣趺多待月移時箕踞爲看山苔生晚片應

知靜雲動秋根合見閑瘦鶴獨隨行藥後高僧相
對試茶間疎篁百本松千尺莫怪頻頻此往還

黃家莊。

黃家莊畔一維舟總是沿流好宿頭野興幾多尋
竹逕風情些小上茶樓遙村雨暗鳴寒犢淺激沙
平下晚鷗更有錦帆荒蕩事茫茫隨分起詩愁

過蕪湖縣

詩中長愛杜池州說着蕪湖是勝遊山掩縣城當
北起渡衝官道向西流風稍檣碇網初下雨擺魚

薪市未收更好兩三僧院舍松衣石髮鬪山幽

無爲軍

掩映軍城隔水鄉人煙景物共蒼蒼酒家樓閣搖
風旆茶客舟船簇雨檣殘笛遠砧聞野墅老苔寒
檜看僧房狎鷗更有江湖興珍重江頭白一行

出泉水驛。

曉城寒水共蕭蕭濕碧吹青路一條煙靄濃間出
山驛林蘿深裏過溪橋閑情謾會吟兼畫隱事猶
輪釣與樵多謝孤村人落外酒旗風急更相招

淮甸南遊。

幽勝程程擬徧尋不妨淮楚入搜吟
蘚莎籬落谿莊靜松竹樓臺塢寺深
數抹晚霞憐野笛一篩寒水羨沙禽
腰間組綬誰能愛時得閑遊是此心

耿濟口舟行

環迴幾合似江干刺眼詩幽盡狀難
沙觜半平春晚濕水痕無底照秋寬
老霜蒲葦交千刃怕雨鳧鷗著一攢
擬就孤峯寄簑笠舊鄉漁業久凋殘

留題李休山居。

俗口喧喧利與名到君風品卽難憑
曾將五老關秋夢只愛南薰是正聲
鳥戀藥棚長獨立樹欺詩壁半旁生
公車便不能徵出搔首吾皇負聖明

園廬

柴關寒井對蕭辰自愛栖遲近古人
閑草徧庭終勝俗好書堆案轉甘貧
橋邊野水通漁路籬外青山見寺隣
懶爲躬耕詠梁甫吾生已是太平民

安福縣途中作。

詩景紛拏且按鞭壞橋危磴已鳴泉
雲根道店多

沽酒山庵人家亦種田
谷鳥驚啼衝宿雨野梅愁
絕閉寒煙玉梁閣皂堪行
徧回得臨江即上船

雪三首。

瓦溝如粉疊樓腰
高會誰能解酒貂
清夾曉林初落索
冷和春雨轉飄蕭
堪憐雀避來閑地
最愛僧衝過短橋
獨有閉關孤隱者
一軒貧病在顏瓢

其二。

濕飄乾墮着谿林
陣猛花尖聚砌陰
曉沫平隨茶筋薄
凍痕全共藥鋤深
慵多只好披詩看
狂甚無

如叩几吟更想天
山兩三騎臂鷹拳
蹬簇駸駸

其三。

皓然窓戶曉來新
畫軸碑廳絕點塵
洛下高眠應有道
山陰清興更無人
寒連水石鳴漁墅
猛共松篁壓寺隣
酒喝已醒時味薄
獨援詩筆得天真

春陰

似雨非晴意思深
宿醒牽引臥春陰
苦憐燕子寒相並
生怕梨花晚不禁
薄薄簾幮欺欲透
遙遙歌管壓來沉
北園南陌狂無數
只有芳菲會此心

秋懷。

惠連初擬賦秋懷病束慵纏幾未諧濕葉墮舟明
晚塹破雲施粉露晴岬先甘衰落歸雙鬢已覺清
涼入百骸試枕離騷校閑品竹烟杉籟滿蕭齋

山園小梅二首

衆芳搖落獨暄妍占盡風情向小園疎影橫斜水
清淺暗香浮動月黃昏霜禽欲下先偷眼粉蝶如
知合斷魂幸有微吟可相狎不須檀板共金尊

其二

剪綃零碎點酥乾向背稀稠畫亦難日薄縱甘春
至晚霜深應怯夜來寒澄鮮祗共隣僧惜冷落猶
嫌俗客看憶着江南舊行路酒旗斜拂墮吟鞍

又詠小梅

數年閑作園林主未有新詩到小梅摘索又開三
兩朶團欒空遶百千迴荒隣獨映山初盡晚景相
禁雪欲來寄語清香少愁結爲君吟罷一銜杯

梅花

吟懷長恨負芳時爲見梅花輒入詩雪後園林纔

半樹水邊籬落忽橫枝人憐紅艷多應俗天與清
香似有私堪笑胡雛亦風味解將聲調角中吹

又二首。

幾回山脚又江頭遶着瑤芳看不休一味清新無
我愛十分孤靜與伊愁任教月老須微見却爲春
寒得少留終共公言數來者海棠端的免包羞

其二

小園烟景正淒迷陣陣寒香壓麝臍湖水倒窺疎
影動屋簷斜入一枝低畫名空向閒時看詩客休

徵故事題慚愧黃鸝與蝴蝶只知春色在桃溪

杏花

蓓蕾枝梢向點乾粉紅腮頰露春寒不禁烟雨輕
凝着只好亭臺愛惜看隈柳旁桃斜欲墜等鶯期
蝶猛成團京師巷陌新時俊賣得風流更一端

桃花。

柳墜梅飄半月初小園孤榭更庭除任應雨杏情
無別最與烟篁分不疎比並合饒皮博士皮日休有詩
形相偏屬薛尚書薛能薄紅深茜尖尖葉亦有愁

木牙立一律
卷三
一五
腸未負渠

山舍小軒有石竹二叢閔然秀發因成二章
麝香眠後露檀勻綉在羅衣色未真斜倚細叢如
有恨冷搖疎朶欲生春階前紅藥推詞客籬下黃
花重古人今日含毫與題品可憐殊不愧清新

其二

青帘有酒不妨賒素壁無詩未足誇所重晚芳聊
在目可關秋色易爲花深枝苒苒粧溪翠碎片英
英剪海霞莫管金錢好行市寂寥相對是山家

新竹

粉環勻束綠沉槍裊露差烟夔夔長半箔乍驚雙
眼健倚闌尋覺百毛涼齊披古錦圍山閣背迸寒
犀過寺墻堪笑粉根蒼翠者強顏如立少年場

榮家鶴

種莎池館久淹留品格堪憐絕比儔春靜某邊窺
野客雨寒廊底夢滄洲清形已入僊經說冷格曾
爲古畫偷數啄稻梁無事外報言雞雀懶迴頭

百舌

柳條初重草初肥煙濕園林晚未稀百種堪憐巧
言語一般惟欠好毛衣欺凌紅杏從頭宿諷刺黃
鸝起背飛誰道關關便多事更能緘默送芳菲

蝶。

細眉雙聳敵秋毫冉冉芳園日幾遭清宿露花應
自得暖爭風絮欲相高情人歿後魂猶在傲吏齊
來夢亦勞閑掩遺編苦堪恨不并香草入離騷

病中二首。

坐釣行樵那不倦尋雲看月亦應勞煩襟入夜攏

宜減瘦骼乘秋斗頓高猿下任窺煎藥鼎客來慵
動碾茶槽牀頭臥架直閑却免有情膠揭悼騷

其二。

遺編坐罷披三豕小軸行當倦五禽簾肆有徵常
遇困刀圭無狀爲攻深長卿有渴應難柰玄晏清
羸已不禁約縛隱囊聊閣膝忘懷未得是微吟

林和靖詩集

宋林逋 君復甫 著

明潘是仁 訥叔甫輯校

七言律詩

送范希文寺丞

林中蕭寂歎吾廬
疊疊猶欣接緒餘
去棹看當辨江樹
離尊聊為摘園蔬
馬卿才大常能賦
梅福官卑數上書
黼座垂精正求治
何時條對召公車

送史殿丞之任封州

利步七律 卷四
炎方將命選朝倫
治行何嘗下古人
擁旆肯辭臨遠郡
登艫還喜奉慈親
水連芳草江南地
煙隔寒梅嶺上春
若過中途值歸鴈
慰懷能與致音塵

送史宮贊蘭溪解印歸闕

杜若萋萋天似水
一檣風信快吟懷
春坊冠蓋還朝籍
寶婺谿山別縣齋
訪舊約僧登北固
破程乘月宿清淮
東南山宰才居最
疇爲言揚向下階

送馬程知江州德安

日酣無復耿離腸
一路之官盡水鄉
公廨寒生對

廬阜客帆風定泊
潯陽陂涵洲渚初
收潦露浥蓼葭未
作霜到日何人先
刺謁二林開士在
琴堂

送楚執中隨侍入蜀

嚴君將命之邛蜀
令子和家且侍行
洛汭好山歸別業
江南芳草動離情
詩題寺壁雲根潤
書檢松窓野色明
他日林間無所望
只求金榜看嘉名

送馬程員外之任烏江

空色青蒼寒日明
遲遲携手出柴荆
長貧少得交遊者
漸老不禁離索情
去路浦帆當晚落
到官江

早已春生州監縣尹多才識當念吾宗負夫名

送趙時校書之任臨川司理

南國古來風物好早時游覽熟登臨青山滿路人
家遠丹橘隔江秋色深官况暫應勞折獄病懷終
日重分襟三年解罷當求試多草新文慰我心

送吳秀才赴舉

一戰詞場定策勛麻衣西笑仕紛紛風神已負青
雲氣藝業兼携白地文輦下春華期縱轡野中林
色惜離群明年新榜看看見第甲嘉名且認君

送陳縱之無為軍

淮天時節少春寒幾蒂梅花雪欲殘水次軍城曩
劔入雨餘村鳴鐙驢看名緣未出知誰異道為深
窮卻自難第一京師早西入廟廊題字可無韓

送文光師遊天台

天姥山深搖錫杖野芳春翠共蕨蕨松門過水無
重數石壁看霞到盡時閑避鳥啼應作觀忽聞人
迹自留詩秦中河朔嘗遊覽莫恨此方行脚遲

贈胡明府

一琴牢落倚松窻孤澹無君得趣長謁廟有時封
縣版坐衙終日着公裳爲收牌印教村僕偶檢圖
書見古方徵足稅糧人更靜卻指吟策立秋廊

贈當塗朱仲敏

甚與時流道不同南朝臺閣是家風高閑几格圖
書畔冷澹門庭樹石中因寄詩牌尋勝景擬投文
卷數名公榮登顯達他年後應笑冥冥弋者鴻

舒城僧舍呈贈李仲宣文學

竹深淮寺雪蕭騷一壁寒燈伴寂寥瘦盡骨毛終

驟裊蝕來鋒刃轉豪曹宦情冷落詩中見談態軒
昂酒後高莫爲無辜惜才術聖明求治正焦勞

贈錢唐邑長高秘校

幾萬人家山水中爲官古雅少人同疎簾衙退卷
花軸曲檻客來憑竹風唯道簿書多徇俗自言琴
酒未妨公等閑呵出郭門近輕棹遶湖尋佛宮

喜皎然師見訪書贈

金錫齟然欵蠹關雲膏濃渚對跳巒清如霜月三
五夕瘦似煙篁一兩竿舊社久拋魂夢破近詩纔

舉骨毛寒池軒夜靜且留宿往往自將秋籟彈

寄解州李學士

解梁賢守古難同張蓋垂鞭自士風館職久銜疎
舊地郡符重剖枉名公印廳孤坐琴尊外鈴閣清
談易老中聞演絲綸徵詔近相如文學動天聰

寄薛學士

曹州持服

飛徵偶未下天衢古郡寬閑且寄居曾許布衣通
一刺每留蔬食看群書高齋已想閑丹竈清夢誰
同話直廬江外敢知無別許只携琴鶴聽新除

寄傅霖

葛蔓煙枯束六經高廉渾與昔賢停黃牙稚子跨
牛犢白眼山人識劍形寒睡草旁林酒牡曉思河
曲雨槎腥傳聞曾說平生事不要清朝夢武丁

寄岑迪

時黜官居曹州

久辜才術向吾朝公罪應該洗雪條佐邑舊曾居
府寺轉官新合入京僚門庭冷落閑中住僮僕生
疎賤價招別後交遊定相憶酒燈棊雨幾清宵

寄邠門梁進士

退隱無山進乏媒
杜門芳草與蒼苔
貧爲吾道應關命
達似他途亦是才
人靜合尋衙北寺
野涼還上郭西臺
江干昨夜情多少
風雨吹燈一夢迴

曹州寄任獨復

交結文章盡世驚
城中幽隱更無營
敢將古道爲吾事
耻對常流語子名
秋思病彈曾獨聽
太玄閑寫欠誰評
清朝故實蒲輪在
合爲高賢下帝京

山中寄招葉秀才

夜鶴曉猿時復聞
寥寥長似耿離羣
月中未要恨丹桂
巖上且來看白雲
棋子不妨臨水着
詩題兼好共僧分
新憂他日榮名後
難得幽栖事靜君

嘗茶次寄越僧靈皎

白雲峯下雨槍新
膩綠長鮮穀雨春
靜試恰如湖上雪
對嘗兼憶剡中人
瓶懸金粉師應有
筋點瓊花我自珍
清話幾時搔首後
願和松色勸三巡

寄宣城宗言姪

春水涵波綠渺瀰
江南芳草又離離
謝家元住青山郭
郗氏近攀丹桂枝
衣下香囊非爾好
牀頭詩

卷媿吾癡中林獨處仍多病早晚能來慰所思

寄西山勤道人

天竺山深桂子丹白猿啼在白雲間
死生不出千門事坐臥無如一室閑
誰伴錫痕過寂歷自憑茶色對
屏顏忘機亦有龐居士園井蕭疎
病掩關

寄呈張元禮

君棲枳棘官將滿我住蓬蒿歲正窮
駟馬交遊從此少一瓢生事不勝空
衡門但枕盈盈水羣木方搖撼撼風
若念故人兼久病公餘無惜寄詩筒

寄玉梁施道士

子雲遺跡住丹房天鼓時聞數叩霜
真景截波尋鐵柱恠書披月看銅墻
氤氳氣朝胎息熠熠辰輝夜步綱大
靜入來諸事罷靈蕪盤穗卷良常

寄太白李山人

顏如童子髮如鬢卜築深當太白西
身上只衣麤直掇馬前長帶古偏提
鴟鵬懶擊三千水龍虎閑封六一泥
幾度枕肱人迹外半窓松雪論天倪
歷陽寄金陵衍上人

蘇暈莎叢古石房寺和松竹背秋岡騷吟未斷雲
生褐梵偈重開月照香五老舊遊應悄默六朝閑
事肯悲涼西州獨客心搖甚抹碧江天鳥一行

春日寄錢都使

桃花枝重肉紅垂萱草抽苗抹綠肥正語暖鶯風
細細著雙寒燕雨稀稀亭臺物景兼宅院時
情漸夾衣指肯挾肩行樂事不甘離索向芳菲

寄題歷陽馬仲文水軒

占得幽居近郭西水軒風景獨難齊烟含晚樹人

家遠雨濕春風燕子低紅燭酒醒多聚會粉牋詩
敵幾招携旅遊今日堪搔首搖落山城困馬啼

暮春寄懷曹南通任寺丞

跌蕩情懷每事同十年曹社醉春風彈弓園圃陰
森下碁子廳堂寂靜中赤腳我猶無一婢黑頭君
合作三公江湖今日還勞結目送歸飛點點鴻

和西湖霽上人寄然社師

竹下經房號白蓮社師高行出人天一齋巾拂晨
鐘次數禮香燈夜像前瞑目幾閑松下月淨頭時

動石盆泉西湖舊侶因吟寄憶着深峯萬萬年

和陳湜贈希社師

瘦靠闌干搭梵襟綠荷階面雨花深迢迢海寺浮
杯興杳杳秋空放鶴心齋磬冷搖松吹襍定燈孤
坐竹風侵鏘然更有金書偈祇許龍神聽靜吟

追和彭城太尉夏月寄題湖上湛源大師房

碧蒲紅蓼白蓮房一片欒櫨撼水光海島空聞有
孤絕山中休道更清涼驚飛翡翠當軒鳥裏過旃
檀別院香竅愛晚天吟枕上好雲遙聳數峯長

集賢李建中工部嘗以七言長韻見寄感存

懷沒因用追和

清絕門墻冷似冰野人懷別昔曾登新題對雨分
蕭寺舊夢經秋說杜陵貧典郡符資月給老持臺
憲減霜稜開元文字鍾王筆惆悵臨風一燼燈

和酬周啟明賢良見寄

治世誰能弔屈平且披緇帙散幽經陽春盡吐芊
芊草霄極長垂兩兩星半壁烟嵐圖太華一筇風
雪訪支硎雅吟爲惠將何比明月珊瑚海氣腥

木和詩十律 卷四
酬畫師西湖春望

笛聲風煖野梅香湖上憑闌日漸長一樣樓臺圍
佛寺十分煙雨簇漁鄉鷗橫殘葑多成陣柳映危
橋未着行終約吾師指芳草靜吟閑步岸華陽

畧秀才以七言四韻詩爲寄輒敢酬和幸
惟采覽

本無高亮似陽城但愛松風入耳聲五畝自開林
下隱一尊聊敵世間名交談不遠樵農客弄翰慵
誇子墨卿異日青冥肯廻顧夫君門族舊和羹

西湖孤山寺後舟中寫望

天竺橫分景色寬孤山背後泊船看林藏野路秋
偏靜水映漁家晚自寒拂拂烟雲初淡蕩蕭蕭蘆
葦半衰殘春鋤數點誰驚起書破晴雲粉字乾

小隱

魯望無來已百年又生吾輩在林泉誰知隱遯爲
高尚敢道文章到聖賢月界曉窻琴嶽潤竹搖秋
机墨雲鮮南塘一霎霏微雨更擁漁蓑上釣船

梅花二首

宿靄相粘凍雪殘一枝深映竹叢寒不辭日日旁
邊立長願年年未上看葉訝粉綃裁太醉蒂疑紅
蠟綴初乾香篋獨酌聊爲壽從此羣芳興亦闌

其二

孤根何事在柴荆村色仍將臘候并橫隔片煙爭
向靜半粘殘雪不勝清等閑題詠誰爲愧子細相
看似有情搔首壽陽千載後可堪青草雜芳英

聞靈皎師自信州歸越以詩招之

天師蒼翠橫金錫地藏清涼掩竹扉千里白雲隨

野步一湖明月上秋衣詩尋靜語應無極琴弄寒
聲轉入微我亦孤山有泉石肯來松下共忘機

復賡前韻且以陋居幽勝詫而誘之

畫共藥材懸屋壁琴兼茶具入船扉秋花挹露明
紅粉水鳥衝烟濕翠衣石磴肯穿林寺近竹烟橫
點海山微百千幽勝無人見說向吾師是洩機

詩招南陽秀才

莫因公薦偶失意便擬飄蓬作旅人志壯任存題
柱事病多爭向倚門親危堤柳色休傷別上院杏

花長自春况有西湖好山水歸來且濯錦衣塵

謝馬程先生輩惠蜀牋

數幅丹霞夾白雲封題何事寄幽人
虧君視草禁中客乞我浣花谿上春
且與巾箱爲玩好更無篇什寫清新
我來臥病還多感一筆蛛絲滿硯塵

讀王黃州詩集

坐吟行看對清秋懶架仍移近枕頭
放達有唐惟白傳縱橫吾宋是黃州
左遷商嶺題無數三入承明未休
紅藥紫薇千一古又添楊子伴牢愁

讀种先生丁密諫詩

舊草閑看卽自卑聖朝空道苦於詩
高才眩望如明逸新句無因似謂之
淮甸月華欹枕靜秣陵春色按鞭遲
邯鄲獨步西施笑落得星星兩鬢絲

喜姪宥及第

新榜無聞事可驚單平於爾一何榮
玉階已泰登高第金口仍教改舊名
聞喜宴猶春色雅慈恩題記看行清
巖扉掩罷無他意但羨靈蕪感盛明

傷白積殿丞

本利... 卷四
吏散門墻轉寂然疏狂投分向生前苦無名位高
今世空有文章出古賢遺傳得誰修闕下孤墳應
只客江邊池陽渺渺堪垂睫莫罷秋枝一叫蟬

傷朱寺丞

妻女飄零五嶺頭爲君南望涕橫流浮榮暫得衣
朱紱遠宦尋聞喪白州天與聲名還自折瘴侵編
什有誰收朝中交舊知多少應惜無兒似鄧攸

弔薛公孟

未第身魂歿帝京東還長欠奠幽靈遺文盡合編
家傳高行誰堪撰墓銘談柄寂寥塵久暗墨花荒
廢草空青三招不見山中濕擬畫軒昂太白星

宋林和靖先生詩集

宋林逋君復甫著

明潘是仁訥叔甫輯校

五言絕句

閔師自天台見寄石枕

斷石自何許枕之懷赤城空廬復蕙帳旦暮白雲生

西湖與性上人話別

秋山與湖水遠近如相送後夜宿扁舟知師有歸

夢

送謝尉

試吏才未伸食貧同古人何以贈行色一酌湖上春

贈中師草聖

行草得三昧林間嘗與語秋風忽捲衣別我之何所

送僧之京

皇城十二衢埃塵滿香域何以待歸期山中桂花

色

宋林和靖先生詩集

宋林逋君復甫著

明潘是仁 訥叔甫輯校

七言絕句

孤山隱居書壁

山水未深猿鳥少此生猶擬別移居直過天竺溪
流上獨樹為橋小結廬

水亭秋日偶書

巾子峯頭烏臼樹微霜未落已先紅憑闌高看復

低看半在石池波影中

水軒

日於詩雅轉沉迷尤愛凭闌此覓題飄蕩楊花春意晚黃鸝飛過水東西

池上作

簇簇菰蒲映蓼花水痕天影蘸秋霞分明似箇屏風上飛起鷓鴣一道斜

松徑

霜子落秋筇卓破雨釵堆地屐拖平不知呵止長

安客肯愛深穿冷翠行

竹林

寺籬斜夾千梢翠山徑深穿萬籜乾却憶貴家廳館裏粧墻時畫數莖看

菱塘

含機綠錦翻新葉滿匣青銅瑩古花最愛晚來鷗與鷺宿烟翹雨便爲家

蓮蕩

楚妃臯女一何多裳似芙蓉衣芰荷幾夕霏霏烟

木和立一系
卷六
二
靄裏競窺清淺弄重波

葑田

淤泥肥黑稻秧青濶蓋深流旋旋生擬倩湖君書
版籍水仙今佃老農耕

僧有示西湖墨本者就孤山左側林蘿祕邃
間狀出衡茅之所且題云林山人隱居謹書
二韵以承之

泉石年來偶結廬冷挨松雪瞰西湖高僧好事仍
多藝已共孤山入畫圖

孤山雪中寫望寄呈景山仙尉

瑠樹瑤岑掠眼新鮮颺時復颺珠塵此中自是蓬
萊闕何處更尋姑射人

春日齋中

空堦重疊上垣衣白晝初長社燕歸落盡海棠人
臥病東風時復動柴扉

山中寒食

方塘波綠杜蘅青布穀提壺已足聽有客新嘗寒
具罷據梧慵復散幽經

其二

氣象纔過一百五且持春酒養衰年中林不是不
禁火其柰山櫻發欲然

易從師山亭

林表秋山白鳥飛此中幽致亦還稀西村渡口人
烟晚坐見漁舟兩兩歸

秋江寫望

蒼茫沙觜鷺鷥眠片水無痕浸碧天最愛蘆花經
雨後一篷烟火飯魚船

送人遊金山

水烟霜樹蠹層巒點破江心一簇寒見說天多剩
風月爲予閒上上方看

送然上人南還

遠携琴譜與詩稿寄臥船窻一榻深莫向雲中認
江樹等閒驚起故園心

送人之蒼梧

側身南望但依依片席乘風去似飛莫謂蒼梧在
天末帝鄉看逐白雲歸

送有交師輦下

滹羅閒佩氎巾輕秋籟隨身指去程輦下大僚多
好事退朝誰着道衣迎

送大方師歸金陵

渺渺江天白鳥飛石城秋色送僧歸長干古寺經
行了爲到清涼看翠微

監郡吳殿丞惠以筆墨建茶各吟一絕以謝
之

筆

犀利鋒鏃敵五兵夢中青鏤未爲靈空山日午南
窻暖擬寫黃庭內景經

墨

青暈時磨半硯雲更將書帖拂秋塵衰羸自頽空
多感不是臨池苦學人

茶

石碾輕飛瑟瑟塵乳香烹出建溪春世間絕品人
難識間對茶經憶古人

鳧

三三兩兩自相隨
擅頸回看颯
艷衣野水無波秋
色淨不知何事忽驚飛

貓兒

織鈎時得小溪魚
飽臥花陰興有餘
自是鼠嫌貧不到
莫慚尸素在吾廬

鳴臯

所養鶴

臯禽名祗有前聞
孤引圓吭夜正分
一唳便驚寥次破
亦無間意到青雲

呦呦

所養鹿

深林槭槭分行響
淺葑茸茸疊浪痕
春雪滿山人起晚
數聲低叫喚籬門

小舟

舷低冷戛荷千柄
底舛斜穿月半輪
一笠一簑人穩坐
晚風簫颯弄青蘋

槐木紙椎

贈與周大初

入手輕乾是古槐
幾聲清響徹池臺
椎餘魚網如脂滑
時寫新詩肯寄來

。自作壽堂囚書一絕以誌之

湖上青山對結廬墳前秋色亦蕭疎茂陵他日求
遺稿猶喜曾無封禪書終

讀林文士詩有懷其人因題及

志仕何如終及蜀林家在列西關句香清正梅影夜波柱別
香亭山有石臺且喜見鶴與鴉多欲常為莊客海山
記此年野字空人操書有便

